

人物志 二

隱逸

方技

耆德

寓賢

列女

雷化縣志

第三冊

隱逸

明

卮元羔 字績卿。歲貢。聞閩賊陷京師，絕意仕進，一鋤一笠，飯糗終身，嘗看瓜田中，緝穠葉為亭，蔽風雨，作葉宮詩以自適。及卒，李宮詹弔之以詩曰：「收拾犁鋤歸造化，清風明月一完人。」彷彿西遊記作崑崙遊。

季魯杰 字漢許。由庠生例入成均。嘗為岱嶽之遊，南渡大江，弔古金陵，歸為短垣茅舍於北郭，額之曰「是亦園。」博覽史傳，日手一編，隱約以終其身。

王丕襄 字贊甫。明季諸生。鼎革即棄去，垂釣鉤盤之曲。有棟花館詩集一卷、鶯花亭詩餘三卷。李宮詹擬其品如蒼松古柏，挺然於嚴霜積雪之中。祀忠義祠。

周中行 字與之。廩生。兵備道詩之子。以父廉直得禍，遂絕意進取，藜藿自甘，隱居讀書以為樂。嘗曰：「陽明之學，不善學之，亦足以悖道，何如直宗程朱，略無旁徑之趨耶？」所居蓬蒿遮戶，人求一見不可得。

▲清

李百源 字孝先，號到翁。恩貢。任昌樂訓導，遽告歸，寄形蕭

寺，仍以經籍自娛。年踰八旬，輯稗史名言四百餘卷，孝廉吳繼震名之曰醒世類編，有醉書鄉集，藏於家。

吳汝弼字心逸。庠生。明社墟，絕意仕進，歷遊名山大川，博綜經史，尤邃於易，著有周易揆方二卷。嘗與友登華山，時兄汝為任麟遊，友曰：「此去麟遊不遠子盍往省？」弼曰：「我此來不可令兄知。」急返，後兄任歸，問之，曰：「恐累兄清德名也。」

丁之箕字幼水。歲貢。性豪放，善筆札，通習當代掌故，揮金如土，廣交遊。黃石齋謂為「僑胥之流」。艾東鄉稱其「立品不

苟。「窮約淪落，嘗醉吟李滄溟詩：「黃金結客盡誰識濟南生」之句，卒得狂疾而終。」

丁敏行 字宣遠。庠生。淡泊寡欲，居東關，常杜門不出，好種竹，曰：「我對此君，此君對我哉。」閒招同志二三輩，酌酒賦詩以為樂。作自敘自贊，囑令後人見此，知爾祖父之不俗。

丁率祖 字履存。庠生。幼出嗣胞伯檢討暉，六歲嗣父歿，事嗣母李，以孝聞。坦易不設城府，居城南別墅，優游自適，不染世味，有隱君子風。後家益貧，嗜酒工書，意興灑然。

李 梓 字友桐。太學生。以善書名，習閒好靜，厭城市囂塵，

移居東村，誅茅為屋，顏曰綠葉齋，寶藏古帖名畫，有米南宮倪雲林雅致。琴磚二方、尺半許，置牀兩頭，嘗夾坐其間，曰：「此亦琴中趣也，可當一弄。」

李作柱 字夢礎。庠生。為人饒有勝韻，活潑流行。嘗遊四川邛州府，覽其名勝，訪司馬相如賣酒及文君當壚處，問諸葛武侯火井，尚有活火否？隨處皆有題詠。倦遊而歸，杜門習靜，學坐隱，善清談，為李宮詹所敬重焉。

李麟瑞 字孔書。父渙如以博雅稱，能傳其業，而曾不一試。父母長兄養葬畢，即作隻身遊，歲終歸，莫先人墓，復外出，放

跡山川，莫蹤其所至。卧病手把砭瘤稿一卷，高唱「野曠迎天
草，淵深測地魚。」之句，蓋自況也。

方技

▲明

郭玉甫 山人。善音律不由師授，童時截蘆葦為笙簧之屬，試之而和，自叶宮商。

周 謐 字北海。廩生。時當明季，習藝自衛，力能舉五百斤。更妙彈射，發皆巧中，時邑城被賊圍，從容取丸彈之，呼賊曰：「彈爾目」目傷，「彈爾鼻」鼻傷，至彈馬皆傷眼，多帶傷遠逃，有梟鳥晝鳴樓頭獸口中，見有人則縮其首，無人則出首長鳴，謐候其首出彈之，應手而墜。

▲清

王元杰 山人。好臨摹古書畫，久而神肖，其於董其昌王鐸諸家，雖雜之真者，賞鑒家不能辨也。

溫其中 不知何許人。善相宅，至一家云：「牆橫曲木北堂病母。」其家驚以為神，延至家應手而母病愈，王令君宅多鬼，延其中至，遍相其宅，以手畫地，命掘之，得白骨二合，棺而窆，妖遂寂然，其術之神異，皆此類也。

范瑞徵 字伯祥。與弟明徵同試入泮。好騎射，研精三略孫吳等書。明末流賊蜂起，城守戒嚴，火礮不給，瑞徵作木礮以獻，

邑令宋一貞奇其才，如式製造，各邑淪陷，霑城獨全。載宋令守城記。

李作桐 字虞音。庠生。工詩畫，以善書名，所畫葡萄，為當時所寶貴，刻畫圖章，亦稱老手，善談吐，人皆稱為韻人焉。

范峻 字景坡。庠生。服習象緯、堪輿、陰陽、方脈、律呂、諸書。乾隆甲子頒發樂器，招集侑生官師，使為樂長，峻悉心考辨，至今相沿。邑城舊有五門，南門東有小南門、久塞，峻請於邑令、復舊制，曰：「利文明也」著有易經講義十卷，邑令童均為之序，藏於家。

李鳳階 字桐庵，號丹崖。庠生。工圖章，凡大小篆、及刻符、摹印、與夫鳥蟲、篆隸諸體書，無不鐫刻入妙，一時文人學士，競相寶玩，號曰能手。著有圖書譜二卷。

丁光蟾 字印潭。太學生。幼留意繪事，嗜寫山水。後遊中州之熊耳，地多竹，見而好之，復取舊所藏文蘇馮戴諸名蹟，專心摹寫，而神明於成法，每一幅出，如坐人於風篁、菴篠中也。所寫鐵絲羅漢，朔公龍、五大夫松、尤入妙。愛其畫者，每購而珍藏之。

吳家桂 字一山。歲貢生。事親以孝聞。生平繩趨矩步，與人交

無妄語，遇戚族輩尊者，年雖幼必循循於禮法。工詩善畫，為文深刻俊逸。著有北遊詩草芸庵詩草藏於家。

吳守基 歲貢生。有謀略，膂力過人。同治七年、捻匪蠡集，保護其業師出海豐城，手持長槍，坐於車前，捻匪遇之，不敢加侮。尤工行草書，借得奇書親手自鈔，每日不下二萬餘字。教授生徒，名士多出其門下。著有是亦書屋詩稿，卒年八十三歲。

李淑甲 字東川，號五峯。幼聰慧，五歲、讀古詩唐律數百首，十七歲、入邑庠。樂詩酒，善書法，度曲尤擅勝場，一時城鄉匾額，多其遺筆。

郭景曜 字普照。下鄆莊人。庠生。性好靜，與人無爭，處鄉里恂恂然，人皆敬之。入庠後，手不釋卷，尤邃於易，凡易之註釋，多所發明。善風鑑卜筮，非有意習其業，蓋自天文地理之學，推測而得者也。中年好道，有入山不返之意，但以父母在堂、不果。年四十餘而終。

耆德

▲明

閻承謙 隱居教授門弟子，先後登科第者四人，李方伯芳、周參政詩、李京兆魯生、丁銓部鳴陞，己獨食餼終老。年九旬、猶應學使者試，自言能於燈下作蠅頭字，學使者再三慰勞，題授冠帶，檄有司舉鄉飲介賓。

李可觀 字足庵。先世寡營而多壽，祖愷掾史，八十四。父孟華教諭，八十一。伯父孟芳八十，孟榮八十二。兄時觀庠生，七十五。反觀太僕寺少卿，七十三。可觀則九十七，舉鄉飲大賓。

，飲噉騎步，顏色冲愉，如四五十許人。嘗為兗州府廣盈副使，上官重之，秩滿當改選，不赴，子魯彥任昌黎丞，數來迎，終不就，笑曰：「吾自有官，敝屣棄之，何以一丞溷我？」魯彥八十，曾孫樛庠生，八十二。一門耄耄，為世豔稱。

趙忠 字旂銘。庠生。性溫雅，有古君子風。萬曆辛卯、鄉飲舉介賓。卒年八十有八。

▲清

孫綸祚 字理卿。明季諸生。精熟易說，指授後進。年八十餘，邑令舉鄉飲介賓。

吳時新 世傳忠厚，父鳴岐年八十八歲。時新年夜行，兩狼衛之以走，如馴犬然。兄弟五人，皆逾耆艾，時新年八十三，時暢年七十八，時周年七十七，茂華歲貢，自號逸民，茂實庠生，皆年八十七，茂華之子汝為、筮仕秦粵間，訪工繪者，寫為五老圖。

閻占傑 生不入城市，和協里黨，戾氣不徵於色，忿言不入於耳，年逾耆艾，赤子之心不失。邑令王武曾獎其忠厚。

王太清 忠厚醞謹，年百有四歲。恩詔求百年者，有司以大清聞，巡撫王國昌檄縣旌其門，知縣高崧就見於家，以申檄命。一

時縉紳耆儒，皆造廬而咨訪焉。

王蒙貞 字童吉。歲貢。曾祖應聘、祖心傳、皆歲貢，父鳳毛廩餼未貢，蒙貞壽登九十。子三人，長檀、八十四歲，仲庠生擢、八十六歲，季庠生捷、九十五歲，李宮詹贈句云：「四世明經祖父德，一門耆壽弟兄同。」

單世培 字承篤，別號醴泉老人。年十五入泮。至康熙間、百有一歲，步履矍鑠，常作小詩寫意，邑令沈文崧屢造其廬，訪一邑事，惟應曰：「耳陳」以亂之。齒德為鄉里推重，既歿、士民製公幃以祭，私諡康靖先生。